

大方等大集經

第廿

九十二
國五

47694




元祿九年丙子二月日重脩

皇圖聖圖 帝階級昌

佛日增輝 懋輪常轉

山城州天安寺法金剛院置



大方等大集經卷第二十

國

天竺三藏曇無讖於姑臧譯

寶幢分中魔調伏品第三

尔時世界百億魔王悉來集聚至波旬所波旬語諸魔王言諸善男子汝等知不有釋種子出現於世作大幻術六年苦行趣菩提樹我於尔時將領三萬六千億眾至於彼所然我盡力乃至不能動金剛座尔時瞿曇於菩提樹成就幻術以幻力故令此三千大千世界六種震動使我眷屬顛倒墮落如樹拔根當尔之時釋子成就無相幻術以幻力故十方智人悉皆歸屬推求瞿曇所度眾生心相

所在莫知其處若有人能至心歸依盡力不
能動其一毛不可誑惑不可怖畏我今嫁女
五百之衆及諸眷屬悉復歸向而我不能遮
止動轉汝等今者福德弘大多有幻力若能
有心見佐助者然後我能壞彼釋子斷絕其
命亦能摧破諸歸依者滅沙門法增長魔業
尔時我當受無上樂尔時有魔名曰親近即
作是言彼釋子者悉已成就無量功德功德
莊嚴智慧莊嚴不任諸有悉能調伏一切衆
生能壞種種衆苦煩惱人淨心淨汝等不能
起惡加害波旬言我諸眷屬爲彼釋子之所
誑惑汝等若不作方便者如是世界不久當

空復有魔言如來不住一切諸有心淨身淨
遠離一切諸惡煩惱於三界中而得解脫一
切有爲不能繫縛是故名爲無上寂靜如是
寂靜誰能毀害波旬言若欲界中所有衆生
貪着五欲歸釋子者是人則能破壞四魔是
等惡人若不治者汝等云何能治欲界復有
魔言彼釋子者如幻如炎不可宣說無有處
所無諸障礙如是之人云何可害波旬言釋
子於此欲界之中受食供養誑惑衆生我當
云何而不治耶復有魔言我今所有神通之
力及我眷屬神通之力不及釋子神通之力
十六分中我當云何而能加害波旬言若彼

瞿曇入城乞食我當方便令其終日不得一
粒當放大石罵辱使瞋我唯一已猶望能辦
況於汝等多諸眷屬復有魔言設使造作如
是等事加彼釋子不能令彼生瞋喜心若不
瞋喜云何可害波旬言彼釋子者有大智慧
以智力故瞋處不瞋喜處不喜修習大慈大
悲之心於諸衆生平等無二是故於我不生
瞋喜復有魔言若為三界所繫縛者我則能
害彼釋子者不為三界之所繫縛我何能害
波旬復言汝等若能隨我計者害彼不難汝
等悉作比丘比丘尼優婆塞優婆夷像至諸
國土城邑聚落向諸國王大臣長者作如是

言我等已屬沙門。瞿曇沙門。瞿曇實非沙門。空言沙門。非婆羅門。虛自稱言。是婆羅門。實非持戒。現持戒相。真實破戒。不異凡夫。汝等若信善哉。善哉。如其不信。七日之後。當雨大石。猛火。利刀。作是言。已便當於空而降。雨之若作如是種種方便。瞿曇眷屬將壞。不久時諸魔王咸言善哉。爾時諸魔各自莊嚴莊嚴。畢已趣向鵞伽摩伽陀國。爾時波旬所有一切弊惡眷屬。悉莊嚴已。趣向雪山。時雪山中有一仙人。名曰光味眷屬。五百悉具五通。波旬到已。頭面禮敬。作如是言。沙門。瞿曇。悉壞一切異見。外道。處在大眾。宣說是言。一切眾

中實無沙門及婆羅門大德若能與我俱至
摩伽陀國我則能壞沙門瞿曇沙門瞿曇殊
不能與大德論議較試神力沙門瞿曇若摧
滅已一切衆生悉當恭敬供養於汝尔時波
旬作是語已還來向於無量魔衆廣說上事
時有一魔復作是言瞿曇沙門入王舍城乞
食之時我當於其中路而作師子虎狼羅刹
惡鬼等像令彼見已生怖畏心既生怖畏不
能論議現神通力復有魔言我當於彼虛空
之中降雨大石壞破瞿曇復有魔言我當詐
作瞿曇弟子既爲弟子當得親近得親近已
當斷其命復有魔言我當現作長者之像設

食請之彼若受請我當害之復有魔言我當
現作姪女之像至諸王所云彼瞿曇與我交
通復有魔言我當至彼瞿曇沙門現壞其身
而為七分汝等當言如此屍者瞿曇所殺復
有魔言我當於彼虛空之中大聲唱言沙門
瞿曇是大惡人若有男女供養之者命終當
生阿鼻地獄尔時世尊知魔心已變此三千
大千世界悉為金剛以遮石雨火雨刀雨悉
令衆生眼不覩見如是魔業尔時世尊四大
弟子入王舍城次第乞食時舍利弗從東門
入中路復遇五百魔子執持刀杖語舍利弗
汝若歌舞善哉善哉如其不者當斷汝命舍

利弗言善哉童子我今當歌汝等當舞諸魔
子言善哉大德時舍利弗即說偈言

我今不求陰界入

無量世中誑惑故

若有求於如是法

是人終不得解脫

時舍利弗說是偈已復說陀羅尼句

娑呵羅一 娑呵羅二 娑羅娑呵囉三 摩利至

娑羅呵四 薩兜娑囉呵五 阿摩娑呵囉六 莎呵七

時舍利弗說是陀羅尼已五百魔子心得調
伏得調伏已禮拜懺悔即作是言大德我今

當發阿耨多羅三藐三菩提心歸伏三寶捨
離一切魔之惡業今時大德太目捷連從南
門入中路亦值五百魔子手執刀杖語目連

言汝若歌舞善哉善哉如其不者當斷汝命
目連言善哉童子我今當歌汝等當舞諸魔
子言善哉大德今時目連即說偈言

我今不求陰界入

無量世中誑惑故

若有求於如是法

是人終不得解脫

時目捷連說是偈已復說此陀羅尼句

阿嚩摩一 阿嚩摩二 摩囉拏三 囉闍四 闍呵

奢五摩咄六 奢摩咄七 奢摩咄八 伽伽那嚩

摩九 莎呵十

時目軋連說是陀羅尼已五百魔子心得調

伏得調伏已禮拜懺悔即作是言大德我今

當發阿耨多羅三藐三菩提心歸依三寶捨

離一切惡魔事業。爾時彌多羅尼子從西門入中路，亦值五百魔子，執持刀杖，語富樓那：「汝若歌舞善哉，善哉，善哉，如其不者，當斷汝命。」富樓那言：「善哉，童子，我今當歌。」汝等當舞。諸魔子言：「善哉，大德。」時富樓那即說偈言：

我今不求陰入界

無量世中誰惑故

若有求於如是法

是人終不得解脫

時富樓那說是偈已，復說此陀羅尼句：

呿竭嚩

一

呿竭嚩

二

呿竭嚩

三

茂遮濇

四

茂

遮濇

五

阿跋多尼

六

比跋多尼

七

莎呵

八

時富樓那說是陀羅尼已，五百魔子心得調伏，得調伏已，禮拜懺悔，即作是言：「大德，我今

伏得調伏已，禮拜懺悔，即作是言：「大德，我今

當發阿耨多羅三藐三菩提心歸依三寶捨
離一切惡魔事業時須菩提從北門入中路
亦值五百魔子執持刀杖語須菩提大德汝
若歌舞善哉善哉如其不者當斷汝命須菩
提言善哉童子我今當歌汝等當舞諸魔子
言善哉大德時須菩提即說偈言、

我今不求陰入界
若有求於如是法

無量世中誑惑故
是人終不得解脫

時須菩提說是偈已復說此陀羅尼句

娑茂提 一比茂暹 二茂利蛇闍醯 三思矧 四

思矧 五思矧 六婆思矧 七婆思矧 八呵婆思

矧 九復多拘置思矧 十莎呵 十一

時須菩提說是陀羅尼已五百魔子心得調
伏得調伏已禮拜懺悔即作是言大德我今
當發阿耨多羅三藐三菩提心歸依三寶捨
離一切惡魔事業爾時世尊神通力故令王
舍城所有衆生一切皆見百由旬地城四門
中各各皆有一大弟子其城中出一大蓮花
縱廣滿足二十五丈琉璃為莖黃金為葉金
剛為鬚有無量葉光明遠照衆生皆見高出
三丈四天王處乃至阿迦膩吒天處亦如是
見高出三丈時蓮華中說如是偈諸天世人
隨處皆聞

此世界中一佛出

悉能摧伏一切魔

能轉無上妙法輪
二足中尊能成就
能破二種煩惱根
了知三世如掌果
遠離三垢愍一切
具四如意無所畏

常樂說法真實義
具足五力及五根
無上世尊為衆生
調伏六根得上信
具足六通真實語
一切衆生煩惱縛

調伏此間諸衆生
優婆提舍拘律陀
佛欲來此調衆生
具足三戒所說淨
佛欲來此調衆生
調伏四衆說四果
聖師子王為我來
成就功德無礙智
修悲拔出三惡衆
遠離六入修六念
世尊欲來調衆生
處闇不知解脫道

常行魔路不知實
不知此彼及生死
是故不能得解脫
衆生不知生老死
遠離一切施戒慧
衆生若離五欲樂
至心受持一偈義
又復偈音聞於色界十六住處
若有修習清淨法
至心專念諸解脫
獲得十三忍辱法
出過一切生老死

貪著顛倒失智慧
貪五欲故遠離禪
不能修道報答善
是故不修三解脫
是故不出三惡道
親近如來聽正法
是人解脫如先佛
遠離諍訟修禪定
無有散亂壞煩惱
遠離惡觸及亂心
修四無量諸禪定

永斷常見及斷見

過三惡道得正定

深觀無常無我樂

獲隨法忍如先佛

若欲捨樂如涕唾

觀一切空行無異

淨於法界及菩提

於法無礙如虛空

能壞四魔滅煩惱

修習正道諸方便

不畏邪見如師子

當親如來則獲之

出如是等偈音聲時無量眾生趣蓮華所介

時波旬耳聞是偈又見王舍城中蓮華無量

眾生悉坐其下次第乃至阿迦膩吒亦復如

是受大苦惱告諸魔言諦聽諦聽瞿曇沙門

作大幻術汝等不能造作魔業不久當失所

居之處汝等當雨刀石猛火時有一魔語波

旬言瞿曇沙門悉已成就無量功德具二莊嚴所謂功德智慧彼神力故令我狂亂不能造作魔之事業我今於彼實懷恐懼復有一魔語波旬言汝今愚癡行於邪道無心之人若見瞿曇當生信敬況有心者汝今若欲得大利益應當至心歸依宗敬復有一魔語波旬言波旬汝今云何常樂惡行造作惡業汝當遠離惡魔之業汝今不見如來世尊趣王舍城欲施衆生甘露味耶汝來當共歸依瞿曇今時無量魔衆乘空而下至王舍城或作王像或轉輪王像成就七寶或復示作自在天像或作沙門梵志尼軋像或作四天王像

日月等像帝釋梵像或有坐立及以禮拜而
讚歎者或有周遍遶王舍城或有示現上其
城上或有青色白衣白瓔珞白幡白蓋或有
黃色赤衣赤瓔赤幡赤蓋或有白色種種色
衣種種瓔珞黃幡黃蓋或有赤色青衣青瓔
青幡青蓋或七寶色七寶瓔珞七寶幡蓋或
琉璃色或玻璃色種種色衣種種瓔珞種種
幡蓋或有向佛散種種華燒香禮拜或有歌
頌讚歎起舞波旬見已舉聲啼哭即作是念
我今喪失所有福報一切魔眾悉皆歸屬瞿
曇沙門尔時波旬語梵天言我雖失福無有
伴黨猶故能壞瞿曇沙門我今當示最後勢

力我今能拔如是蓮華。尔時波旬即趣蓮花。雖復目覩捉不能得。如世人言我能捉電。電雖可見而不能捉。蓮華亦尔。魔雖得見而不能捉。是時波旬心生懊惱。如是蓮華捉之尚難。云何可拔。復作是念。我今當出無量惡聲。令諸四衆聞已怖畏。當捨瞿曇。迸散而去。波旬尔時即出大聲。一切四衆都無聞者。唯魔自聞。聞已復生大怖畏心。尔時波旬怖畏戰慄。兩手拍地而不能着。猶如拍空。復欲取杖以打四衆。亦不能見。倍生怖畏。舉身戰慄。猶如猛風吹動樹葉。復作是念。我今永失一切功德。一切神力不如速還本所住處。若不還。

者必死不疑於是欲去莫知道徑復作是念
我今住此瞿曇沙門多將眷屬今至不久如
其到者必見屠戮我今正欲沉身此地復恐
此界衆生見之是時波旬不能上下四方遁
走即見己身被五繫縛見已涕泣愁憂苦惱
時有一魔名曰聖道作轉輪王像向彼波旬
而說偈言

汝以何緣出惡聲

啼哭愁憂受苦惱

如來今將趣蓮花

能壞衆生種種苦

汝等若欲受安樂

當至心依無上尊

汝若不樂五繫縛

應受我語歸世尊

今時波旬聞是偈已即作是念我為得脫當

詐歸依非實心也即向如來所住方面合掌
說偈

我今歸依世中尊

能壞衆生諸苦惱

亦復懺悔一切惡

於佛眷屬更不造

時魔波旬說是偈時於五繫縛尋得解脫得
解脫已欲趣已界復還被縛第二第三乃至
第七亦時波旬既不得去至心聽法

大方等大集經寶幢分中三昧神足品第四

是時如來而說是經四大弟子與諸魔子遊
王舍城歌舞頌偈亦時大地六反震動無量
天人悲感啼泣苦哉苦哉今者如來猶在於
世而四弟子爲諸魔衆之所戲弄即共和集

往至佛所而作是言世尊唯願如來放捨捨
心何以故一切諸魔欲壞佛法佛言我今當
入王舍大城教化衆生破壞魔業示大神通
施作佛事尔時佛欲入王舍城時諸天衆悲
號向佛而作是言今佛入城實非時也何以
故無量惡鬼彌滿虛空無量魔衆持刀火石
若佛入城如來法燈將滅不久尔時如來默
然不許復有天言世尊王舍城中五百魔子
執持刀戟欲害如來復有一天啼泣而言今
者釋種不久當壞復有天言無上法船今當
散滅三界衆生誰當濟度令至彼岸復有天
言一切衆生常爲煩惱之所纏繞無上大師

如其滅者誰當令彼得解脫耶復有天言世
尊不見空中無量魔衆欲兩刀劔大石猛火
唯願如來愍衆生故且莫入城復有天言世
尊王舍城中有二萬魔各各示作婆羅門像
執持刀劔欲害如來復有二萬持稍待佛復
有二萬執持弓箭復有二萬持火炬火唯願
如來受我等語勿復入城如來亦時默然不
許亦時出尊入王舍城門其守城天啼泣向
佛作如是言唯願如來勿復入城何以故今
此城中惡衆彌滿若使如來於此滅者我當
云何見諸天衆魔衆今者欲兩刀劔猛火大
石如來若滅衆生闍行滅大法炬壞大法山

生老病死歡喜受樂佛於尔時雖聞是語亦
不許可時天復言世尊若不貪惜身命必欲
放捨有六大城何必於此如來若於此間滅
者則令我於無量世中得大惡名尔時復有
無量諸天俱至佛所作如是言世尊我已曾
見無量諸佛說法教化無量眾生實未曾見
如是魔眾世間眾生常為無量諸惡煩惱之
所圍遶值遇良醫通達無量醫方方便如來
何故放捨大慈大悲之心復有天言如來往
皆無量劫中為諸眾生修習苦行今者云何
欲捨眾生放棄身命唯願憐愍演說正法調
伏一切闇昧眾生願施光明明迷行之人示以

正路永斷一切三惡道苦唯願久住莫捨身
命尔時復有淨居諸天告諸天言且勿號哭
放捨愁惱如來具足十力無畏今欲摧滅一
切魔衆假使無量無邊魔衆乃至不能動佛
一毛尔時梵王釋提桓因往至佛所白佛言
世尊一切魔衆今者定欲毀害如來唯願勿
往如來當滅一切衆生無明闇行世尊往昔
請諸衆生許以甘露斯事未畢云何便欲放
捨身命莫猗往咎菩提樹下壞一魔已輕憐
餘者如來若入王舍城中即便滅沒無復疑
也尔時世尊出大梵音聲遍三千大千世界
而作是言諦聽諦聽假使諸魔悉皆遍滿十

方世界盡其力勢乃至不能動我一毛我管
已請無量衆生許以甘露今當演說第一義
諦增長善法說於正道以稱我願我於往昔
無量世中為諸衆生多受苦惱放捨一切金
銀琉璃玻瓈寶貨國城妻子衣服飲食及以
身命以妙香華幡蓋燈明供養諸佛受持淨
戒修行忍辱誰能以惡加於我身我於衆生
常修慈悲誰能令我而滅沒耶如我先已摧
魔眷屬當知今者亦能破壞汝等於此勿生
怖畏時無量天聞是語已心生喜樂各各而
言南無大士如來世尊壞大魔衆破諸煩惱
永離習氣摧憍慢山拔生死樹滅死日月除

無明闇勸化一切邪見衆生。焦涸四流。然大法炬示菩提道。擊大法鼓。施諸衆生善法之樂。復令覺悟四真諦。相度生死海。入無畏處。說是語已。以妙香華。幡蓋伎樂。供養於佛。復以種種微妙好華。散王舍城。所謂曼陀羅華。摩訶曼陀羅華。波婁沙華。摩訶波婁沙華。迦迦羅華。摩訶迦迦羅華。曼殊沙華。摩訶曼殊沙華。瞻婆羅華。摩訶瞻婆羅華。歡喜華。大歡喜華。愛樂華。大愛樂華。波梨質多華。拘毗遮羅華。優鉢羅華。拘勿頭華。波頭摩華。分陀利華。如是等華。莊嚴遍覆。如來行處。於路二邊。七寶行樹。高一多羅樹。樹間皆有八味清泉。

上虛空中多有諸天手持上妙七寶幡蓋雨
諸雜華金銀玻瓈琉璃等寶牛頭栴檀及白栴
檀堅韃沉水種種華香遍雨如來所行之處
復有種種微妙伎樂一切人民悉共嚴治王
舍城外如來行處諸魔眷屬莊嚴城內時佛
世尊入王舍城尔時心遊首楞嚴定示現微
妙八十種好若事象者即見象像事師子者
見師子像有事牛者即現牛像事命命鳥見
命命像有事兔者即見兔像有事魚龍龜鼈
梵天自在建陀八臂帝釋阿脩羅迦樓羅虎
狼豬鹿水火風神日月星宿國王大臣男女
大小沙門婆羅門四王夜叉菩薩如來各隨

所事而得見之見已皆稱南無南無無上世
尊合掌恭敬禮拜供養尔時雪山光味仙人
與其弟子在西門下側立待佛光味仙人覩
見佛身是仙人像爲無量衆之所供養即作
是言如是人者真真是大仙堪受世間人天供
養何以故福德相故我云何知彼大我大我
今當問生姓經書出家久近光味仙人即趣
佛所告其弟子摩納彼仙人者德相成就了
了可知聰明叡哲能解深義汝等應當至心
生信如我所見相書所載是人必能說無上
道彼定能令我度生死五百弟子同聲歎言
善哉善哉如和上言尔時光味與五百弟子

前後圍遶即至佛所作如是言汝是誰耶佛
言是婆羅門光味復問姓何等耶荅言我姓
瞿曇又問受何戒耶荅言吾受三戒又問修
習何行荅言吾修空行又問出家已來爲久
近乎荅言具大智時又問汝頗讀誦星宿書
不荅言汝今讀誦得何利益光味復言我以
此法教諸衆生受我語者多獻供養佛言汝
知此書頗能得過生老死不光味復問瞿曇
生老病死云何可斷佛言汝若不能斷生老
死何用讀誦如是星書光味復言瞿曇汝若
不知星宿書者身上何故有星行處如我知
者定謂瞿曇通達如是星宿彼岸佛言云何

名爲星宿道光味荅言謂二十八宿日月隨
行一切衆生日月年歲皆悉繫屬瞿曇一切
星宿跡有四分瞿曇東方七宿謂角亢氐房
心尾箕若人生日屬角星者口闊四指額高
亦介其身右邊多生黑子上皆有毛當知是
人多財富貴廣額似像聰明多智眷屬熾盛
其頸斷促脚兩指長左右刀瘡多有妻子惡
性輕躁壽命八十四十年時一受衰苦長子
不壽心樂法事衰患在火瞿曇屬角星者有
如是相屬亢星者心樂法事受性多巧聰明
富貴多懷慚愧怨不能害樂欲出家受性柔
軟輕躁確盡無所隱藏壽六十年三十五時

身遇篤病繞頸四指當有瘡槃不宜子息瞿
曇屬亢星者有如是相屬氏星人受身勇健
巨富豪貴壽二十五左有黑子於父母所恒
生惡心敬出家人於己眷屬不能增長瞿曇
屬氏生者有如是相屬房生人受性弊惡愚
駮無智巨富豪貴右有黑子壽三十五當被
兵死宜於兄弟瞿曇屬房生人有如是相屬
心生人富貴多財愚癡風病壽四十五頭有
瘡槃有大名聲毒不能中妻子不樂瞿曇屬
心生人有如是相屬尾生人具諸好相雄壯
富貴得大自在兩乳輪相有大名聲身諸光
明勝於日月聰明大智無能勝者貪樂出家

能調煩惱增長眷屬多有慙愧壽命百季四
十五時暫一受苦曾有德相衆生樂見不宜
父母瞿曇屬尾生人有如是相屬箕生人樂
喜諍訟多犯禁戒受性弊惡人不喜見貪欲
熾盛壽六十季貧窮困苦常樂遊行牙齒踈
小曾臆确瘦瞿曇屬東方宿有如是相屬井
生人多饒財寶人所恭敬心樂於法齋有瘡
槃壽八十年慈孝供養父母師長先父母喪
心無慳悋多有慙愧衰禍在水瞿曇屬井生
者有如是相屬鬼生人慳悋短壽齋下四指
當有黑子不宜父母喜樂諍訟瞿曇屬鬼生
者有如是相屬柳生者富貴持戒慕樂法事

壽七十五增長眷屬死已生天肩有赤子敬
愛法者人所信伏瞿曇屬柳生者有如是相
屬七星者樂為劫賊盜物為業姦偽諂曲薄
德短壽舉動鹿獷愚癡狂駭必被兵死瞿曇
七星生者有如是相屬張星者壽命八十善
於音樂首髮希少衰二十七及三十三富貴
勇健有大名稱聰明無慳樂法慙愧不宜父
母及以兄弟頸有瘡槃過三十五乃有子息
陰有黑子脛有黃子瞿曇屬張星生者有如
是相屬翼生人善知筭數慳悋恣性鈍根邪
見右有赤子壽三十三絕無子息瞿曇屬翼
生者有如是相屬軫生人巨富豪貴多饒眷

屬奴婢僕使聰明勇健樂法愛法敬受法者
壽命百季死已生天瞿曇屬南方星有如是
相屬奎生者其人兩頰當有黑子持戒樂法
敬受法者富貴樂施身有火瘡壽五十年瞿
曇屬奎生者有如是相屬婁生者壽命短促
貧窮困苦樂見毀戒其心慳吝膝有瘡槃壽
三十季不宜於兄瞿曇屬婁生者有如是相
屬胃生者不宜父母多失財寶田業宅舍膝
有黑子過二十二得大富貴不慳樂施瞿曇
屬胃生者有如是相屬昴生者樂於正法辯
口利辭聰明富貴多有名稱護持禁戒人所
敬信死已生天膝有青子壽五十季瞿曇屬

昴生者有如是相屬畢生者人所信伏惡性
喜鬪於已姊妹生於貪心富貴多怨常患胷
痛不宜錢財左有黑子壽七十年瞿曇屬畢
生者有如是相屬觜生者富貴樂施慙愧無
貪無有病苦衆生樂見死已生天衰在七十
壽滿八十瞿曇屬觜生者有如是相屬參生
者受性弊惡多造惡業作守獄卒貪欲偏多
聰明貧苦壽六十五多有黑子瞿曇屬西方
星有如是相屬斗生者受性愚癡貪不知足
貧窮惡性壽命短促當病食死黑色羸瘦瞿
曇屬斗星者有如是相屬牛生者性癡貧窮
樂爲偷竊心多嫉妬壽七十季無有妻子瞿

曇屬牛生者有如是相屬女生者持戒樂施
其人足下當有黑子增長眷屬壽八十季有
大名聲無有病痛宜於父母及以兄弟瞿曇
屬女生者有如是相屬虛生者福德富貴眷
屬愛樂慳悋不施壽六十五其人足下當有
黑子瞿曇屬虛生者有如是相屬危生者身
無病苦聰明持戒通達世事富貴多財壽八
十季宜諸眷屬瞿曇屬危生者有如是相屬
室生者受性弊惡多犯禁戒為人富貴壽命
百季死墮惡道不宜父母及以兄弟瞿曇屬
室生者有如是相屬辟生者雄猛多力尊榮
富貴有大名稱眷屬增長不宜父母壽命千

季名聞無量樂法出家敬受法者聰明多智
善解世事瞿曇屬北方星有如是相若有通
達如是相書到於彼岸得大智慧佛言衆生
闇行著於顛倒煩惱繫縛隨逐如是星宿書
籍仙人星宿雖好亦復生於牛馬豬狗亦有
同屬一星生者而有貧富貴賤參差是故我
知是不定法仙人汝雖得禪我是一切大智
之人何故不問解脫因緣乃問是事光味又
言汝今現有身如世無異而尋其事與仙無
別我今真實不知汝是天耶仙耶龍耶鬼耶
聲如梵音色如古仙我從昔來未曾見聞如
是色相如是事業是故今問汝爲是誰繫屬

於誰姓氏何等宜說何事唯願廣說我當聽
受尔時世尊即說偈言

若有學習着相書

是人不能知此彼

若為煩惱所縛者

不得解脫常受苦

我今具足六神通

是故名大婆羅門

六波羅蜜是我姓

以六和敬調諸根

我已受持三種戒

行空無相三脫門

我往初發菩提心

尔時得名大出家

我都不覺一法相

是故不說星宿書

法無壽命無衆生

是故演說無我淨

已度三受三行岸

斷諸相故無有相

我已真實知諸法

是故獲得大寂靜

若無罣礙如虛空
修習禁戒大忍辱
若不覺業求果報
心不貪著一切陰
又不覺知菩提道
無有相貌無想念
亦不貪著於諸法
若有修習淨梵行
觀察諸法如虛空

雖行菩提不覺法
即得無相大智慧
如法不轉得菩提
亦復不觀於此彼
是能速得菩提道
於一切去無覺觀
即能獲得一切覺
是人得名婆羅門
是人即得名大覺
爾時世尊說是偈已
光味仙人及諸眷屬
一切皆見如來本身
見本身已往善所
追即各獲得寶幢三昧
得是三昧能遍觀察一切三

昧故名爲幢於諸三昧而得自在遊入一切
三昧境界是故名爲寶幢三昧尔時光味合
掌恭敬持微妙華滿其手掬說偈讚佛

如來成就無量德

猶如大海水彌滿

功德光明甚微妙

悉照三千大千界

勇猛精進大智慧

出勝一切諸衆生

具足大慈大悲心

是故我禮無上尊

如來永斷諸煩惱

故我稽首大仙師

清淨金色戒光明

我今禮敬於佛日

能乾衆生諸煩惱

能說真實菩提行

能壞一切煩惱山

轉於無上正法輪

我今修於菩提行

爲得無上大智慧

如來具足一切相
我當云何斷煩惱
演於真實正真道
衆生三世造惡業
若我身口意善業
永斷一切煩惱病
令衆色妙諸根具
斷除衆生諸邪見
得識宿命樂善行
六波羅蜜得具足
樂降無上大法雨
若我身口意惡業

願記我得菩提時
度脫一切苦衆生
平等猶如十方佛
我當云何令其斷
願此因緣斷彼結
身受妙樂如先佛
遠離諸惡修善法
修習具足於正見
度生死河至彼岸
知佛深法常在世
令諸衆生離貧渴
今於佛前悉懺悔

我今所有福德力

施與衆生早成佛

我請一切諸衆生

勸之令種菩提子

我為衆生受苦時

願不生悔及退轉

淨於世界及衆生

得無礙智淨法界

若我真實得佛道

願此所散成華蓋

亦時光味即以華散是時三千大千世界六

種震動無量衆生生敬喜心有諸衆生奉事

象者見佛是象作如是言云何此象有大福

德今是仙人敬意供養乃至若有敬事佛者

見彼仙人敬心供養見已生信禮拜讚歎亦

時世尊出首楞嚴定從定起已一切衆生悉

見佛身見已心生恭敬歡喜各任己力而作

供養尔時世尊告光味言善男子一切諸天
見汝決定發阿耨多羅三藐三菩提心歡喜
踊躍故今是地六種震動善男子汝當成就
無量智慧然後獲得無上佛道乃當復於無
量世界然大法燈善男子汝於來世過三阿
僧祇劫當於此土北方世界名曰香華其地
莊嚴如阿彌陀當於彼中得成爲佛名光
德如來應正遍知明行足善逝世闍解無上
士調御丈夫天人師佛世尊於無量世宣說
大乘終不說於聲聞緣覺尔時大衆目聞目
見光味仙人得受記剎悉共歡喜供養恭敬
五百弟子無量衆生發阿耨多羅三藐三菩

提心其意堅固無有退轉

大方等大集經卷第二十

國

捕試

上音角比也正較

婆

上音婆又聲

弛

就身切多也反

弛

音他音濟

奴定反諸陀羅

尼多作乃頂反

是

音啼

迸

必諍反

戰慄

下音良

慄

反下音

慄

一

一

悲號

下音

刀戟

下居力

猗

音倚

焦涸

下音

水竭也

鷲

音鶴

堅

一

鞭

反吾更

菟

字鬼

睹

字猗

穀

下羊歲

元

反明也

元

上音

浪

反下音

浪

名星

額

亦吾客

反

躁

則到反

柔濡

作軟

確

反苦角

堅

反

堅

反

堅

石日

愚

反

駭

反

狂

下胡指上

胫

音蒲

反

反

反

反

反

反

鈍

徒困反

軼

反

奎

反

婁

音樓

胃

音昂

二音

音

音

音

音

移子

參

參

二同

羸

反

瘦

上力垂

辟

反必亦

書

音籍

下

下

下

亦手

掬

下音

捧

音

也

